

Broj:
Sarajevo, 05. 06. 2013. godine

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r dr. Denis Bećirović**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 05.06.2013			
Organizaciona jedinica	Klasifikaciona oznaka	Redni broj	Broj priloga
01-02-1-27		13	

16 109

PREDMET: PRIJEDLOG ZAKONA O RASPOLAGANJU NEPOKRETNOM VOJNOM IMOVINOM

Na osnovu člana 99 i člana 100 Poslovnika Predstavničkog doma Parlamentarne skupštine BiH ("Službeni glasnik BiH" broj 33/06, 41/06, 81/06, 91/06, 91/07 i 28/12) kao ovlašteni predlagač dostavljam:

Prijedlog Zakona o raspolaganju nepokretnom vojnom imovinom,

radi razmatranja i usvajanja u Parlamentarnoj skupštini Bosne i Hercegovine.

Zahtijevamo da se Prijedlog Zakona o raspolaganju nepokretnom vojnom imovinom razmatra po hitnom postupku, sukladno članu 127. Poslovnika Predstavničkog doma Parlamentarne skupštine Bosne i Hercegovine

U prilogu Vam dostavljamo tekst Prijedloga Zakona o raspolaganju nepokretnom vojnom imovinom s obrazloženjem na bosanskom jeziku, elektronsku verziju Zakona o raspolaganju nepokretnom vojnom imovinom.

S poštovanjem,

za Klub Poslanika SBB BiH
Predsjednik Kluba
Dr. Mirsad Đugum

za Klub Poslanika SDP
Mirsad Mešić

Na osnovu člana IV.4.e) Ustava Bosne i Hercegovine, Parlamentarna skupština Bosne i Hercegovine na ____ sjednici Predstavničkog doma, održanoj ____ 2013. godine, i na ____ sjednici Doma naroda, održanoj ____ 2013. godine, donijela je

PRIJEDLOG

ZAKONA O RASPOLAGANJU NEPOKRETNOM VOJNOM IMOVINOM

Član 1.

Pod nepokretnom vojnom imovinom ovim zakonom se podrazumijeva:

- I. Perspektivna nepokretna vojna imovina (imovina koja je obuhvaćena Odlukom Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine).
- II. Neperspektivna nepokretna vojna imovina (imovina koja nije obuhvaćena Odlukom Predsjedništva Bosne i Hercegovine o strukturi, veličini i lokacijama Oružanih snaga Bosne i Hercegovine) i to:
 1. Neperspektivna nepokretna vojna imovina za potrebe institucija Bosne i Hercegovine.
 2. Neperspektivna nepokretna vojna imovina na korištenju kod drugih subjekata i neperspektivna nepokretna vojna imovina u posjedu Ministarstva odbrane Bosne i Hercegovine.

POGLAVLJE I – PERSPEKTIVNA NEPOKRETNNA VOJNA IMOVINA (imovina koja je obuhvaćena Odlukom Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine)

Član 2.

(Perspektivna nepokretna vojna imovina)

(1) Nepokretna vojna imovina koja je obuhvaćena Odlukom Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine broj: 01-011-0111-6/06 od 5. jula 2006. godine i izmjenama i dopunama Odluke o veličini, strukturi i lokacijama Oružanih snaga Bosne i Hercegovine broj: 01-011-69-61/08 od 17. januara 2008. godine, broj: 01-011-618-6/08 od 18. marta 2008. godine, broj: 01-011-1828-21/08 od 29. jula 2008. godine i broj: ____ od 18. aprila 2012. godine, upisat će se u zemljišne, katastarske i druge javne knjige kao vlasništvo Bosne i Hercegovine za potrebe Oružanih snaga Bosne i Hercegovine.

(2) Spisak nepokretne vojne imovine iz stava (1) ovog člana nalazi se u Prilogu broj 1. i sastavni je dio ovog zakona.

(3) Pravobranilaštvo Bosne i Hercegovine će u roku od 30 dana od dana stupanja na snagu ovog zakona podnijeti zahtjeve za upis prava vlasništva u zemljišne, katastarske i druge javne knjige u skladu sa stavom (1) ovog člana.

(4) Ministarstvo odbrane Bosne i Hercegovine će u roku od 21 dana od stupanja na snagu ovog zakona Pravobranilaštvu Bosne i Hercegovine dostaviti svu potrebnu dokumentaciju o nepokretnoj vojnoj imovini iz stava (1) ovog člana, a koja je neophodna radi upisa prava vlasništva u zemljišne, katastarske i druge javne knjige.

(5) Svi ugovori, odluke i drugi pravni akti koje su zaključeni sa fizičkim i pravnim licima o nepokretnoj vojnoj imovini iz stava (1) ovog člana podliježu reviziji koju obavlja Ministarstvo odbrane Bosne i Hercegovine, u roku od godine dana od dana stupanja na snagu ovog zakona.

(6) Ukoliko Ministarstvo odbrane Bosne i Hercegovine, nakon provedene revizije, donese preporuku da pravni akti iz stava (5) ovog člana nisu u javnom interesu, Ministarstvo odbrane Bosne i Hercegovine dostavlja Vijeću ministara Bosne i Hercegovine prijedlog odluka o ukidanjima ili izmjenama istih.

(7) U skladu sa članom 72. stav (2) Zakona o odbrani Bosne i Hercegovine („Službeni glasnik BiH“, broj 88/05), Ministarstvo odbrane Bosne i Hercegovine je odgovorno za dugove, zaduženja i ostale obaveze nastale od 1. januara 2006. godine po osnovu korištenja nepokretne vojne imovine iz stava (1) ovog člana.

(8) U skladu sa članom 72. stav (2) Zakona o odbrani Bosne i Hercegovine („Službeni glasnik BiH“, broj 88/05), entitetske vlade i dalje su odgovorne za dugove, zaduženja i ostale obaveze bivših entitetskih ministarstava odbrane nastale do 1. januara 2006. godine vezano za nepokretnu vojnu imovinu iz stava (1) ovog člana, kao i za sve ostale krajnje obaveze koje eventualno proisteknu iz konačnih, obavezujućih i pravosnažnih sudskih presuda donesenih po osnovu tužbi podnesenih protiv bivših entitetskih ministarstava odbrane.

POGLAVLJE II – NEPERSPEKTIVNA NEPOKRETNNA VOJNA IMOVINA
(imovina koja nije obuhvaćena Odlukom Predsjedništva Bosne i Hercegovine o strukturi,
veličini i lokacijama Oružanih snaga Bosne i Hercegovine)

Član 3.

(Neperspektivna nepokretna vojna imovina za potrebe institucija Bosne i Hercegovine)

- (1) Nepokretna vojna imovina koja nije obuhvaćena Odlukom Predsjedništva Bosne i Hercegovine o strukturi, veličini i lokacijama Oružanih snaga Bosne i Hercegovine iz člana 1. ovog zakona, a u kojoj su smještene ili će biti smještene institucije Bosne i Hercegovine na osnovu Odluke Vijeća ministara Bosne i Hercegovine, upisat će se u zemljišne, katastarske i druge javne knjige kao vlasništvo Bosne i Hercegovine.
- (2) Pravobranilaštvo Bosne i Hercegovine će u roku od 30 dana od dana stupanja na snagu ovog zakona podnijeti zahtjeve za upis prava vlasništva u zemljišne, katastarske i druge javne knjige u skladu sa stavom (1) ovog člana.
- (3) Vijeće Ministara Bosne i Hercegovine će u roku od 7 dana od dana stupanja na snagu ovog zakona Pravobranilaštvu Bosne i Hercegovine dostaviti svu potrebnu dokumentaciju o nepokretnoj vojnoj imovini iz stava (1) ovog člana, a koja je neophodna radi upisa prava vlasništva u zemljišne, katastarske i druge javne knjige.

Član 4.

(Neperspektivna nepokretna vojna imovina na korištenju kod drugih subjekata ili se još uvijek nalazi u posjedu Ministarstva odbrane Bosne i Hercegovine)

- (1) Nepokretna vojna imovina koja nije obuhvaćena Odlukom Predsjedništva Bosne i Hercegovine o strukturi, veličini i lokacijama Oružanih snaga Bosne i Hercegovine iz člana 1. ovog zakona, a koja je do sada dodijeljena na korištenje drugim subjektima ili se još uvijek nalazi u posjedu Ministarstva odbrane Bosne i Hercegovine, knjiži se u vlasništvo bez naknade drugim nivoima vlasti (općinama, gradovima, kantonima, entitetima i drugim pravnim subjektima) gdje se ta imovina nalazi, imajući u vidu funkcionalnu vezu korisnika i odgovarajućeg nivoa vlasti, u skladu sa ovim zakonom i odgovarajućim odlukama Ustavnog suda.
- (2) Zainteresovani nivoi vlasti, odnosno drugi pravni subjekti iz stava (1) ovog člana, dužni su se sa zahtjevom za prenos vlasništva na nepokretnoj vojnoj imovini navedenoj u ovom članu obratiti Vijeću ministara BiH, koje će u skladu sa ovim zakonom donijeti konačno rješenje.
- (3) Nadležni organi na odgovarajućem nivou vlasti će poduzeti sve potrebne pravne radnje na implementaciji odredbi iz ovog člana.

(4) Dinamika primopredaje određene nepokretne vojne imovine iz stava (1) ovog člana će biti usaglašena između Ministarstva odbrane Bosne i Hercegovine i odgovarajućih nivoa vlasti, odnosno pravnih subjekata iz stava (1) ovog člana, kojim se ta nepokretna vojna imovina prenosi u vlasništvo.

(5) Za sve eventualne sporove koji nastanu po osnovu implementacije pravnih radnji iz ovog člana, odgovorni su nadležni nivoi vlasti, kojima se nepokretna vojna imovina iz stava (1) ovog člana knjiži u vlasništvo.

POGLAVLJE III – PRELAZNE I ZAVRŠNE ODREDBE

Član 5.

(Nezakonito raspolaganje)

Ukoliko se naknadno utvrdi da je neka nepokretna vojna imovina koja je obuhvaćena ovim zakonom prenesena u vlasništvo trećih lica na nezakonit način pokrenut će se sudski postupak za poništenje takvog nezakonitog raspolaganja.

Član 6.

(Stupanje na snagu)

Ovaj zakon stupa na snagu danom objavljivanja u Službenom glasniku Bosne i Hercegovine, a objavit će se i u službenim glasilima entiteta i Brčko Distrikta Bosne i Hercegovine.

Predsjedavajući
Predstavničkog doma
Parlamentarne skupštine
Bosne i Hercegovine

Predsjedavajući
Doma naroda
Parlamentarne skupštine
Bosne i Hercegovine

OBRAZLOŽENJE

I Ustavnopravni osnov

Ustavni osnov za donošenje ove odluke sadržan je u članu IV 4 a) Ustava BiH, u kojem je propisano da je Parlamentarna Skupština BiH nadležna za: a) Donošenje zakona koji su potrebni za provođenje odluka Predsjedništva ili za vršenje funkcija Skupštine po ovom Ustavu

II Razlozi za donošenje odluke

S obzirom da se radi o odluci koju su još u martu 2012. godine ratificirali predstavnici šest političkih stranaka SDP, SDA, HDZ, HDZ 90, SNSD i SDS, a odluka se direktni tiče provedbe mape puta pristupanja Eurpskoj uniji, te koja još uvijek nije upućena u parlamentarnu proceduru, klub poslanika SBB BiH u PS BiH upućuje istu kako bi se taj proces ubrzao.

III Finansijska sredstva

Za izvršenje obaveza prema ovoj odluci nisu potrebna dodatna finansijska sredstva iz Budžeta institucija i međunarodnih obaveza BiH.

Prilog 1.

PERSPEKTIVNA NEPOKRETNA VOJNA IMOVINA KOJA JE OBUHVAĆENA ODLUKOM
PREDSJEDNIŠTVA BOSNE I HERCEGOVINE O VELIČINI, STRUKTURI I LOKACIJAMA
ORUŽANIH SNAGA BOSNE I HERCEGOVINE

R.br.	Naziv lokacije	Osnovna jedinica	Vrsta (kategorija)	Mjesto	Entitet MO	Broj objekata
1	2	3	4	5	6	7
1.	MO BiH H. Kreševljakovića 98	MO BiH	Administracija	Sarajevo	FMO	1
2.	ZŠ OS BiH Bistrik br. 5	ZŠ OS BiH	Administracija	Sarajevo	FMO	4
3.	Dom OS BiH	ZŠ OS BiH	Dom-objekat	Sarajevo	FMO	1
4.	Poligon i LPO Strelište Kalinovik kas. Neretva	4. Pješadijska brigada	Poligon	Kalinovik	MO RS	7
5.	Strelište Lazarevica	5. Pješadijska brigada	Poligon	Bijeljina	MO RS	7
6.	Poligon Glamoč	6. Pješadijska brigada	Poligon	Glamoč	FMO	
7.	Poligon Gorica	4. Pješadijska brigada	Poligon	Čapljina	FMO	
8.	Poligon Vrtače Grebak	4. Pješadijska brigada	Poligon	Foča- Ustikolina	FMO	1
9.	Strelište Paša Bunar	5. Pješadijska brigada	Strelište	Tuzla	FMO	2
10.	Strelište Ovčarevo	KOİD	Strelište	Travnik	FMO	
11.	Tehničko skladište „Rabić“	Komanda logistike	Skladišta	Derventa	MO RS	11
12.	Skladište „Krupa“	Komanda logistike	Skladišta	Hadžići	FMO	32
13.	Skladište „Teufik Buza“	Komanda logistike	Skladišta	Visoko	FMO	17
14.	Skladište „Gabela“	Komanda logistike	Skladišta	Čapljina	FMO	19
15.	Skladište „Stojkovići“	Komanda logistike	Skladišta	Novi Travnik	FMO	11
16.	Skladište „Kozlovac“	Komanda logistike	Skladišta	Tuzla	FMO	16
17.	Skladište „Grabež“	Komanda logistike	Skladišta	Bihać	FMO	7
18.	Skladište „Čelebići“	Komanda logistike	Skladišta	Konjic	FMO	13
19.	Skladište P/s „Filipovići“	Komanda logistike	Skladišta	Foča	MO RS	15
20.	Kasarna „Mato Lučić- Maturica“	5. Pješadijska brigada	Kasarna	Kiseljak	FMO	33
21.	Kasarna „Josip Krimović- Grabo“	5. Pješadijska brigada	Kasarna	Žepče	FMO	3
22.	Kasarna „Božan Šimović“	4. Pješadijska brigada	Kasarna	Čapljina	FMO	49
23.	Kasarna „Stanislav Baja Kraljević“, objekti kapelica, prijavnica i objekti 4,5 i 6	1. Pješadijska gardijska pukovnija	Kasarna	Mostar	FMO	5
24.	Kasarna Orlovača „ Ante Bruno Bušić“	4. Pješadijska brigada	Kasarna	Livno	FMO	3
25.	Kasarna „Butile“	GLB KL i 8. blp KL	Kasarna	Sarajevo	FMO	56
26.	Kasarna „Rajlovac“	K-da br. TP, Vob., bVP, b, PZO	Kasarna	Sarajevo	FMO	105
27.	Kasarna „Zaim Imamović“	COO/KOİD	Kasarna	Hadžići	FMO	23
28.	Kasarna „Miralem Jugo“	4. Pješadijska brigada	Kasarna	Mostar	FMO	37

29.	Kasarna „7. Muslimanske brigade“	5. Pješadijska brigada	Kasarna	Zenica	FMO	28
30.	Kasarna „Travnik“	KoID, CPR	Kasarna	Travnik	FMO	23
31.	Kasarna „Adil Bešić“	6. Pješadijska brigada	Kasarna	Bihać	FMO	59
32.	Kasarna „Sinovi Posavine“	6. Pješadijska brigada	Kasarna	Orašje	FMO	6
33.	Kasarna „Kozara“	K-da brigade ZS i PZO, K-da za podrš. OS	Kasarna	Banja Luka	MO RS	120
34.	Kasarna „Mika Bosnić“ sa poligonom Manjača	KOid CBS, CBO i mvb	Kasarna	Banja Luka	MO RS	71
35.	Kasarna „Žarko Zgonjanin“	6. Pješadijska brigada	Kasarna	Prijedor	MO RS	23
36.	Kasarna „V. Radomir Putnik“ Miljkovac	6. Pješadijska brigada, KL, CMM i CKK	Kasarna	Doboj	MO RS	18
37.	Kasarna „3 Maj“ Trom Doboj	Komanda logistike	Kasarna	Doboj	MO RS	31
38.	Kasarna „Zdravko Čelar“	Inž. b/brigade taktič. Podrške	Kasarna	Derventa	MO RS	42
39.	Kasarna „V. Stepa Štepanović“	5. Pješadijska brigada	Kasarna	Bijeljina	MO RS	73
40.	Kasarna „Miloš Obilić“	Bataljon veze brigade takt.podrške	Kasarna	Pale	MO RS	34
41.	Kasarna „Bilečki borci“	4. Pješadijska brigada	Kasarna	Bileća	MO RS	65
42.	Kasarna „Petar Mrkonjić“	Komanda logistike	Kasarna	Mrkonjić Grad	MO RS	25
43.	Kasarna „Kosova“	4. Pješadijska brigada	Kasarna	Foča-Ustikolina	FMO	9
44.	Kasarna „Butmir“	OK OS BiH i KOid	Kasarna	Ilidža Sarajevo	FMO	
45.	RRČ „Jahorina“	Brigada ZS i PZO	RR čvorište	Trnovo	MO RS	4
46.	RRČ „Okresanica“	Brigada ZS i PZO	RR čvorište	Srebrenik	FMO	6
47.	RRČ „Konjuh“	Brigada taktič. podrške	RR čvorište	Kladanj	FMO	1
48.	RRČ „Opaljenik“	Brigada taktič. podrške	RR čvorište	Travnik	FMO	1
49.	RRČ „Pločno Čvrstica“	Brigada taktič. podrške	RR čvorište	Mostar	FMO	1
50.	RRČ „Čubren“	Brigada taktič. podrške	RR čvorište	Kiseljak	FMO	1
51.	RRČ „Velež“	Brigada ZS i PZO	RR čvorište	Mostar	FMO	1
52.	RRČ „Velika Mahnjača“	Brigada taktič. podrške	RR čvorište	Žepče	FMO	4
53.	RRČ „Bosut“ Trebevička 72	Brigada taktič. podrške	RR čvorište	Sarajevo	FMO	2
54.	RP „Kozara“	Brigada taktič. podrške	RR čvorište	Prijedor	MO RS	16
55.	SCV „Lisina“	Brigada ZS i PZO	RR čvorište	Prijedor	MO RS	3
56.	SCV „Svinjar“	Brigada taktič. podrške	RR čvorište	Prnjavor	MO RS	7
57.	SCV „Veliki Žep“	Brigada taktič. podrške	RR čvorište	Han Pijesak	MO RS	2
58.	SCV „Kmur“	Brigada taktič.	RR čvorište	Foča	MO RS	8

		podrške				
59.	SCV „Leotar“	Brigada taktič. podrške	RR čvorište	Trebinje	MO RS	1
60.	SCV „Duge njive“	Brigada taktič. podrške	RR čvorište	Modriča	MO RS	1
61.	Aerodrom „Mahovljani“	Brigada ZS i PZO	Aerodrom	Banja Luka	MO RS	54
62.	Aerodrom „Tuzla Dubrave“	Brigada ZS i PZO	Aerodrom	Tuzla-Živinice	FMO	86
63.	Aerodrom „Ortiješ“	Brigada ZS i PZO	Aerodrom	Mostar	FMO	12

REKAPITULACIJA PREGLEDA:

ENTITET	KORISNIK		UKUPNO
	OS BiH	MO BiH	
FEDERACIJA BiH	39	1	40
REPUBLIKA SRPSKA	23	0	23
UKUPNO	62	1	63